



Te Pūrongo ā-Tau mō te wā Hepetema 2006 – Tihema 2007



TĀ MĀTOU MATAKITE:
NGĀ PUTANGA
MĀTAURANGA
TINO PAI RAWA KA
TAEA MŌ NGĀ
ĀKONGA KATOA



ISSN 1172-7810 (tānga)
ISSN 1172-7934 (ā-ipurangi)

Ngā pārongo whakapā

Ako Aotearoa National Office
c/- Massey University Wellington Campus
Private Box 756
Wellington
New Zealand

Waea: +64 4 801 0808
Waea whakaahua: +64 4 801 2682
Īmēra: akoaootearoa@massey.ac.nz
Pae tukutuku: www.akoaootearoa.ac.nz



Te Pūrongo ā-Tau mō te wā Hepetema 2006 – Thema 2007



Ngā Ihirangi

Te Rīpoata a te Heamana.....	2
Te Rīpoata a te Kaiwhakahaere.....	4
Ngā Tari ā-Rohe	8
He Whakarāpopotonga o ngā Kaneketanga ki ngā Whakatutukitanga ā-Kaupapa me ngā Tohu Nui a Te Amorangi Mātauranga Matua	11
Ngā Kaupapa o Nāianeī	14
Te Pūrongo Pūtea	19
He Kōrero mō ngā Mema Poari.....	22
Te Rōpū Whakatū Pokapū	26
Ngā Kaimahi o Ako Aotearoa	27
Ngā Mema o te Rōpū Tohutohu mō ngā Tari ā-Rohe.....	28

*Whāia te pai tawhiti
Whāia kia tata
Whāia te pae tata
Whakamaua kia tina
Tina Hui e Tāiki e!*

*Kei ngā mana
Kei ngā reo
Kei ngā kete wānanga o te motu
Tātou ngā mōrehu o rātou mā
Tēnā koutou, tēnā koutou, tēnā koutou katoa*

*Ko Ako Aotearoa te pokapū taumata whakaako kura tuatoru o te motu
E whai nei kia mākona te hiakai mātauranga o Aotearoa
Kia eke tonu rā ki te whakataukī nei
Manu kai i te miro, nōna te ngahere
Manu kai i te mātauranga, nōna te ao*

*E tāpae ake nei ko te tuatahi o ngā ripoata ā-tau a te rōpū Ako Aotearoa
Hei tirotiro hei wherawhera mā te ao katoa
I tōpū ai ngā whakakitenga o tēnei tōna tau tuatahi
I puea ake ai tōna kākara āmio haere i te motu*

*Tau kē ana Ako Aotearoa kia puta ake nei tōna ripoata tuatahi
Ko āna mahi hoki anō nei te whai mātauranga e kore e mutu
Nō reira kei te hunga tautoko inanahi, āpōpō hoki
Kei ngā kura tuatoru, kei te motu katoa o Aotearoa
Tēnā koutou, tēnā koutou, tēnā rā koutou katoa.*

Te Rīpoata a te Heamana



Ehara te hanga whakahaere hou mai i ngā tūāpapa ki te tuanui i te mahi māmā. Ka whakaatu tēnei pūrongo ā-tau – tā mātou mea tuatahi – i te nui o ngā kanekē i taea e mātou i te wā tino poto nei.

He mahi pārekareka ki a au te whakaatu he aha i taea e mātou, te tuku mihi hoki ki a rātou mei kore ake ā rātou mahi, kāore ēnei i tutuki. I te tuatahi ko ērā he roa ā rātou mahi whakarite kia nui ake te āhukahuka ki te hiranga o te whakaako i te taumata tuatoru me ērā i kite ko te whakatūnga o Ako Aotearoa hei mahi waiwai ki te whakatutuki i taua whāinga. Ko tētahi tangata tuatahi o rātou ko Neil Haigh, ko ia te

tangata tuatahi ki te whakapuaki i te matakite, ko te whakatinanatanga ake ko tēnei pokapū hou. Heoi anō, he nui ērā atu tāngata, he nui rawa kia whakaingoa i konei, tae atu ki ngā mema o te Teaching Matters Forum, nā rātou te pūrongo ko tōna mutunga iho ko te whakatau a te Minita ki te whakatū i a Ako Aotearoa.

Māringanui te tautoko a ngā minita, a Steve Maharey, i muri, a Kahurangi Tākuta Michael Cullen, nāna i whakatuwhera te pokapū hou i te 1 o Noema 2007. Kua tata tēnei tāna mahi whakamutunga hei Minister mō te Mātauranga Tuatoru i mua i te hoatu takohanga ki a Pete Hodgson. Kei te tino tāria e mātou te mahi tahi me tō mātou minita hou.

He kaha hoki te tautoko mai a tō mātou rōpū homai pūtea, Te Amorangi Mātauranga Matua, me tō rātou tumu whakarae, a Janice Shiner, mai i Te Kunenga ki Pūrehuroa hoki, tō mātou pūtahitanga kaitiaki. He hira ngā mahi a Gordon Suddaby, nāna te tono a Te Kunenga ki Pūrehuroa i tuhi, me ērā a Judith Kinnear, te tumuaki, ki te whakarite kia whakatūria te pōkapu ki Te Kunenga ki Pūrehuroa. Kua whakapūmautia e mātou he whanaungatanga pai ki te whare wānanga, ina koa ki a Nigel Long, te Tumuaiki Tuarua (Pūmātauranga me te Rangahau). Me tino mihi ka tika ki a Tom Prebble nō Te Kunenga ki Pūrehuroa, nāna i mahi hei kaiwhakahaere takitaro o te pokapū i ngā wā tīmatanga, ā, e mahi ana ināianei hei mema o tō mātou poari.


Kei te harikoa ahau ki te āhukahuka i te tautōhito, te ū, me te whakapau kaha a tā mātou Kaiwhakahaere, a Peter Coolbear. I tīmata a Peter i te tūnga paku neke atu i te 6 marama ki mua, ā, he nui rawa ngā mahi i oti i a ia i taua houanga. He marama te whakaatu a te pūrongo ā-tau, kei te mahia katoatia ināianei ngā mahi a tetahi pūtahitanga tōtika. Ko tētahi mahi i waenga i te maha o ā Peter mahi, ko tōna kaha ki te whakawhitiwhiti kōrero ki te rāngai katoa, ko te mutunga iho, ko te whānui o te māramatanga ki tā Ako Aotearoa e ngana ai ki te whakatutuki.

He puiaki anō hoki ngā mahi a te poari e noho ai au hei heamana, ā, ka pīrangi au ki te mihi atu ki ngā mema mō tā rātou herenga. He tere, he tōtika te mahi ngātahi a te poari, me te whakapūmau i te tuakiri kaha me te pūtake kua tiritiria, me te whakarato i te ahunga rautaki ki te pokapū, me te kaha tautoko i tā mātou kaiwhakahaere. Kei a mātou te tino whānuitanga o ngā pūkenga me ngā wheako, ā, ka noho māia mātou ka whakamahia ēnei mō te huanga o ngā whanaketanga o te pokapū i roto i ngā rā e tū mai nei.

He tokomaha ērā atu he hira ā rātou takoha mai, – ina koa ko Helen Dobson, Kairuruku Whakapūmau i te Tari ā-Motu i Te Whanganui-a-Tara, me ngā kaimahi whakapau kaha i ā mātou tari ā-rohe, i Tāmaki Makaurau, Papaioea, me Ōtautahi. Kei te koa hoki ki te tuku mihi atu ki a Justin Sampson, kua whakatūria ki te tūnga o Kaiwhakahaere Mōhiotanga mō te Whakahaere.

Ka kitea ngā paetae i tēnei wā tīmatanga o te pokapū i ngā whārangi o tēnei pūrongo ā-tau. Kei te hiahia au ki te whakapuaki i taku koa mō te angitu i kite wheakohia e mātou tae noa ki tēnei wā – te whakatū i te tari, te whakatū tāngata ki ngā tūnga matua, te whakawhiwhi pūtea ki ngā rangahau whai uara, te whakapūmau i ngā hononga hira ki ērā e kaingākau ana ki ā mātou mahi i konei, i tāwāhi anō hoki, te tīmata ki te whakawhiwhi paraihe mō te hiranga o te whakaako, ngā mahi whakatakataka i tētahi pae tukutuku ka noho hei rauemi tino whai uara, ā, ko te mea nui rawa, ko te whakatakoto ahunga tērā e āwhina i tō mātou māramatanga ki ngā mea ka whai wāhi ki ngā mahi whakaako papai me te whakakaha i te mōhiotanga ki ngā take e pērā ai te hira ki ngā ākongā, ā, mā rātou atu ki te whenua katoa.

Hei kupu mutunga, ka kite koe kua whakatau te poari ki te whakaputa i tēnei pūrongo ki te reo Ingarihi me te reo Māori. Ka pēneitia ngā pepa matua katoa ā muri atu. Ka whakaatu tēnei i tā mātou herenga kia noho te Tiriti o Waitangi hei papa mō tēnei Whakahaere, ina koa, ki te tautoko me te ako i ngā iwi Māori mō ngā kōkiri Māori.



Brian Gould
Hānuere 2008



Te Rīpoata a te Kaiwhakahaere



He hōnore nui ki a au te tāpae i tēnei pūrongo ā-tau tuatahi mō tō mātou whakahaere whakaongaonga, hou hoki.

Ki tā mātou i tūmanako ai ka puta mai he mātātaki i te tīmatanga o te whakatū i te pokapū hou, engari he nui hoki ngā hua kua puta mai. He tino takatika ngā whakaaro o te rāngai tuatoru mō te whakatūnga o Ako Aotearoa. Kei reira te whakaaro whānui koinei te wā tika hei miramira i ngā mahi ako tōtika me ngā mahi whakaako tōtika. Kei te āta mōhio mātou ko te tūāpapa o tā mātou whakatū pokapū ko te nuinga o ngā whakawhitiwhiti whakaaro, me ngā mahi tātari i ārahina e te Teaching Matters Forum.

Waimarie kei tō mātou whakahaere ngā rawa hei whakaputa otinga pai ake me te momo raruraru kei runga noa atu: arā, ko tō te whakaraupapa i ā mātou mahi mai i te tino whānuitanga o ngā wāhi wātea.

Ahakoia kua whakatakatoria, me kī, me te ngākau rorotu rawa ētahi āhuetanga o ngā wātaka taketake i te wāhanga whakamahere kaupapa, e whakapono ana ahau kei te pai te haere o te whakawhanake whakahaere, me te tino tere haere o te torohaki.

NGĀ MAHI NĀ TE RŌPŪ WHAKATŪ

I hangaia he whakahoatanga o ētahi pūtahitanga tuatoru e ono i te tīmatanga o te tau 2006 ki te hanga i te pokapū hou. Nā ētahi kanohi mai i aua pūtahitanga tētahi poari whakatū i hanga, ā, i whakapau kaha taua poari mai i taua wā tae mai ki te wā i whakawhitia te takohanga ki te kaiwhakahaere hou me te poari kātahi tonu ka whakatūria, i te 18 marama i muri atu.

I muri i te whakaae ki te tono mai i ngā pūtahitanga e ono i ārahina e Te Kunenga ki Pūrehuroa i ngā marama mutunga o 2006, i whakapau kaha te Rōpū Whakatū, e whakahuhiuitia ana i taua wā e te Kaiwhakahaere Takitaro, e Ahorangi Tom Prebble, ki te whakawhanake i te ariā o Ako Aotearoa, me te whakatū i tētahi heamana mō te poari, me te rapu haere i tētahi kaiwhakahaere ā-motu tuatahi. Ka whakatūria hoki ngā tari ā-rohe, ka whakatūria nga kaiwhakahuhiui ā-rohe, ā, ka tīmata ngā mahi puta noa i te whānuitanga o ngā kaupapa ā-motu (e kōrerorerotia ana ēnei ki tētahi atu wāhi i tēnei pukapuka).

I te marama o Pepuere 2007 i tīmata a Ahorangi Bryan Gould hei Heamana o te Poari Ako Aotearoa. Ka tīmata au hei Kaiwhakahaere i te tīmatanga o Hūrae.

Me mihi atu ki te Rōpū Whakatū katoa, ina koa ki a Ahorangi Tom Prebble, mō te rawe o ngā mahi whakatakataka i mahia mō te poari, mōku hoki. Nā rātou tētahi anga kāwana i whakawhanake mō te pokapū e āhukahuka ana i ōna kiritaki rerekē, ina koa mā te whakatenatena i te kaha whai wāhi mai a te Māori mā te whakatū i tētahi Rūnanga Māori hei komiti iti o te poari.

Ahakoia te whakaaro tonu o te Rōpū Whakatū kia waiho ngā whakatau rautaki matua kia mahia ana e te poari hou, he nui ngā mahi taketake nā rātou, he nui hoki ō rātou whakaaro mō te ahunga pai rawa hei whai mā Ako Aotearoa kia tōtika rawa atu ai ana mahi ā muri atu. Ko tētahi mea tino nui nei, nā te Rōpū Whakatū i kawe te whakawhanaketanga o te tuakiri ataata, o te waitohu ingoa o Ako Aotearoa, me te whakamānutanga o tā mātou pae tukutuku takitaro.

I āhei hoki a Ahorangi Prebble te whiwhi i te kirimana matua tuatahi mā Ako Aotearoa anō, he kirimana i utua e Te Tāhuhu o te Mātauranga ki te whakawhanake i tētahi huinga rauemi ako ā-ipurangi hei whakamōhio atu i te whakamahere rautaki.

TE TUKU MANA WHAKAHAERE ATU KI TE POARI O AKO AOTEAROA ME TE KAIWHAKAHAERE TUATAHI

I pōwhiri ōkawatia a Ako Aotearoa ki Te Kunenga ki Pūrehuroa i te Wenerei, te 4 o Hūrae 2007. I te tuatahi, ka pōwhiritia mātou ko te poari ki Te Kuratini Marae, kātahi ka whakapaitia tō mātou whare i 117–121 te Tiriti o Tasman, te wāhi o tō mātou Tari ā-Motu. I tū te hui tuatahi o te Poari o Ako Aotearoa i tērā ahiahi tonu.

Mai i taua wā, ko te arotahi matua ko te whakanui i te māramatanga ki te horopaki mō Ako Aotearoa me ngā huarahi me whai ki te whakatutuki i tana matakite me tana pūtake. I te marama o Tihema 2007 ka hainatia e te poari te mahere rautaki mā te pokapū me tētahi mahere pakihī matawhānui mō te tau 2008.

Tērā tonu pea ko te mātātaki nui rawa kei mua i a mātou ko te whānuitanga o ngā mahi rerekē ka whai wāhi ki te mātauranga tuatoru i Aotearoa, ina koa te āhua tūāporoporo o ngā tōpūtanga mōhiotanga e pā ana ki te tōtika o te whakaako me te ako i te horopaki mātauranga tuatoru i Aotearoa. He maha ngā āhua e rerekē ai taua horopaki, ina koa tērā kei waho i te rāngai whare wānanga, i tō ōna ritenga i tāwāhi.

Me noho tonu hei whāinga mātua mā tō mātou whakahaere te whakangāwari i te whanaketanga me te whakamahinga o aua tōpūtanga mōhiotanga, me te tango mai i ngā rangahau ā-ao, tautōhito ā-ao e tika ana. Mā te mahi tahi anake me ērā atu kaiwhaipāinga, ahakoa whakahaere tuatoru, rōpū ngaio, tohunga, ākongā, kaitukumahi rānei e paiheretia ana ki ā rātou kaimahi me te whanaketanga ā-whakahaere e tutuki ai tēnei.

Nā reira, ka nui taku whakapau kaha i aku marama tuatahi e ono ki te rangahau i ngā mahi kei te haere (me ērā kāore i te haere) i te rāngai, ko tōna tīmatanga ko te whakawhitihiti kōrero ki te whānuitanga nui rawa ka taea o ngā hoa pea kia mōhio ai me pēhea e pai rawa atu ai tā mātou whakatika atu ki te whakatutuki i tā mātou koromakinga: ngā putanga mātauranga tino pai rawa ka taea mō ngā ākongā i te rāngai tuatoru. I te roanga o taua wā he maha ngā whakaaturanga ōkawa, ōpaki hoki i mahia e mātou ko ērā atu kaimahi o Ako Aotearoa ki te whānuitanga o ngā rōpū whai painga. He wheako takatika rawa te tūtakitaki ki te tokomaha o ngā kaiārahi matua i te mātauranga tuatoru.

He kaha te whai wāhi mai a Ako Aotearoa ināianei ki te whakawhanaketanga ngaio i te rāngai Mātauranga Pakeke, Hapori hoki (ACE), mā tana whai wāhi ki te Rōpū Mahi Whakawhanaketanga Ngaio o Te Amorangi Mātauranga Matua. He mema hoki ahau o te Hui Kaitohutohu Tūtohu Whanaketanga o te Mana Tohu Mātauranga o Aotearoa (NZQA) e whakaputa kōrero ana mō ngā mahi a NZQA ki te whakawhanake i āna tūtohu kouna hou mō te mātauranga tuatoru.

Ko tētahi mea tino hira, kua tīmata mātou ki te whakawhanake i te Rūnanga Māori o Ako Aotearoa, ko tāna he arotahi ki te tautoko, me te ako hoki, i ngā kaupapa Māori. Ka whai wāhi ki tēnei te hāhau huarahi pai atu ki te whakatutuki i ngā matea o ngā ākongā Māori me te whakatairanga ake i ērā mahi papai rawa e kitea kētia ai ngā hua mō ngā ākongā Māori. Kei te whakawhanake hoki mātou i tētahi rōpū kaitohutohu ka whakarite kia whiwhi te poari i te whānuitanga nui rawa ka taea o ngā tohutohu mai i tēnei rāngai kanorau rawa atu. Ko tā mātou pūkeke, ko te rapu huarahi kia taea ai e te katoa e hiahia ana te urutomo mai.

TE HANGA I TE ANGA O TE WHAKAHAERE

Kei ngā tari ā-rohe ināianei te katoa o ngā kaimahi ukiuki, ā, ko ā mātou arotahi mahi e rua, ko te whiriwhiri:

- me pēhea te whakarite i te whakahonohonotanga me te ōritenga o ngā tukanga puta noa i ngā tāri ā-rohe me te pokapū, me te kore whakatiki rawa i te wātea o tēnā, o tēna ki te whai i tāna
- me pēhea te whakatipu i ngā whanaungatanga mahi tōtika me ō mātou whakahaere tiaki.

Kei te tino whakamoemiti au mō te tautoko me te kaingākau o te Tumuaki o Te Kunenga ki Pūrehuroa, o Ahorangi Judith Kinnear; o te Tumuaki Tuarua (Pūmātauranga me te Rangahau), o Ahorangi Nigel Long; o te Tumuaki Tuarua Te Whanganui-a-Tara, o Ahorangi Andrea McIlroy; me Te Kaiwawao Te Tumatakuru O’Connell hei kaitiaki matua. Waihoki, me tuku mihi atu au ki ngā tumu whakarae o ngā kaitiaki ā-rohe: ki a Derek McCormack, te Tumuaki o Te Wānanga Aronui O Tamaki Makau Rau; ki a Peter Brothers, te Tumu Whakarae o Te Whare Takiura o Manukau; ki a Paul McElroy,

te tumu whakarae o te Universal College of Learning; me Ahorangi Roy Sharp, te Tumuaki o Te Whare Wānanga o Waitaha.

Nā te hanganga whakahoatanga o Ako Aotearoa, ahakoa ngā whiwhinga whakahaere i whiriwhiria i runga i te ngākaunui, e tino pakari ai ā mātou mahi hei whakarite kia kaha rawa atu ka taea tā mātou urupare ki ā mātou kiritaki. Me mahara tonu he whakahaere e wātea ana ki te tokomaha, he whakahaere pakari hoki a Ako Aotearoa, ā, e whakapono ana au ka tino papai ngā mahi kua mahia e mātou ki te whakatutuki i aua āhuatanga.

Kei te tino harikoa ahau mō ngā pūmanawa o ērā kaimahi i whakatūria e mātou ki ngā tūnga ukiuki i roto i te whakahaere. I aku mārika mātou kia taea ai te kōwhiri i ngā tāngata tika me ngā huinga pūkenga tino pai rawa hei whakatutuki i ngā matea o tēnei whakahaere hou.

NGĀ MEA WHAKAHARAHARA TAE NOA KI TĒNEI WĀ

I whakatuwhera ōkawatia a Ako Aotearoa i te 1 o Noema 2007 e te Kahurangi Tākuta Michael Cullen, ko tērā tana mahi ōkawa whakamutunga hei Minita mō te Mātauranga Tuatoru. Kei te whakamoemiti mātou mō tana kaingākaoutanga ki te hiranga whānui o te whakaako, ina koa mō tana tautoko i a Ako Aotearoa. Neke atu i te 130 ngā tāngata i tae ki taua whakatuwheratanga.

I whāia te whakatuwheratanga e tētahi kauhau tūmatanui, hei wāhanga o te Rārangi Kauhau o Te Kunenga ki Pūrehuroa, i āhei ai ahau ki te whakatakoto i te rārangi mahi mā Ako Aotearoa mō āmuri. I whakaputaina te whakarāpopotonga o taua kauhau i te Education Review (Pukapuka 12 Tau 47, 7 Tihema 2007).

Ko ētahi atu paetaenga matua tae noa ki nāianei ko te whakahōrapatanga o tā mātou mātārere whakamōhio (whai mai i tētahi mahi whiriwhiri nui) me te whakamānutanga o tā mātou Regional Hub Project Fund (hei tautoko i ngā kaupapa iti tae atu ki te \$10,000 te uara). Ehara i te mahi iti te whakatakoto paearu, tukanga hoki mō te whakahaere i taua kaupapa i ārahina e te tari ā-rohe ki te tonga. I a mātou e whakatinana ana i taua kaupapa e whai whakaaro tonu ana ki te whakapakari i ngā kaha tāngata i te rāngai. Ko tētahi wāhi o ngā mahi a te kaiwhakahaere tari ā-rohe āmuri ko te mahi tahi pea i te taha o ngā tāngata me ngā whakahaere ki te whakawhanake tonu kaupapa me te āwhina i te whakahaere i ngā kaupapa.

I te mutunga o te tau kua puta mai i ā mātou mahi hanga whakahoatanga ki ētahi atu whakahaere te whakaaetanga ka noho mātou hei kaitautoko matua mō ētahi hui hira e rua i te tau 2008. Te Hui Higher Education Research and Development Society of Australasia (HERDSA) i te marama o Hūrae me te Hui Aromatawai Mātauranga Tuatoru kua whakamaheretia mō te marama o Noema e te whakahoatanga rangahau o Kōkiri Rangahau Ako me te Whakaako i aratakina e Te Whare Wānanga o Te Upoko o te Ika a Māui.

Nā Te Amorangi Mātauranga Matua hoki mātou i pōwhiri ki te whakawhanake i te rārangi awheawhe mō te whakapiki kounga i runga anō i te mahi tahi me te huhuatanga o ērā atu rōpū i te rāngai tuatoru. Ka whakamaheretia ēnei mō te marama o Aperira 2008.

TE PAE TUKUTUKU/WAHAROA A AKO AOTEAROA

I whakaaetia e te poari he pepa matakite mō te waharoa pae tukutuku hou a Ako Aotearoa i te marama o Oketopa 2007, ā, i tukuna atu te inoi kia tuku tonu mai i te marama o Tihema i runga anō i ngā tohutohu kua āta tautuhitia. Ki ō mātou whakaaro ka whakarato tēnei i tētahi taputapu hira e āhei ai ngā kaiwhakaako te tiritiri rauemi, i tētahi wāhi anō hoki e āhei ai ngā kaiwhakaako ki te tiritiri i ā rātou kōrero. Ka noho hoki hei wāhi e matapakitia ai ngā āhuatanga o te whakaako me te ako mātauranga tuatoru.

Kua whai kirimana ōkawa kē mātou me te rōpū o Strategies and Practices for Embedding eCDF Knowledge and Systems (SPEEKS) ka tiaki a Ako Aotearoa i tā rātou pae tukutuku hou, Te Pane Takiao, mā taua waharoa. Ka whakaatu Te Pane Takiao i ngā otinga o ngā kaupapa i whakawhanakehia mā ētahi whiringa e toru o te e-Learning Collaborative Development Fund.

NGĀ TERTIARY TEACHING EXCELLENCE AWARDS ME TĒTAHI WĀNANGA WHAKAWHIWHI PARAIHE Ā-MOTU KUA MAROHITIA

He mārama i te whanaketanga tōmua o te ariā o Ako Aotearoa me whakawhiti mai te whakahaere o ngā Tertiary Teaching Excellence Awards i NZQA ki te whakahaere hou.

Kua tata tēnei whakawhitinga, e ārahina ana e te tari o te puku, te oti, me te tokomaha ka taea o te Tertiary Teaching Awards Committee o tērā tau e whakaae ana ki te pupuri tonu i ā rātou tūnga i te tau 2008 kia ukiuki tonu ai te kaupapa. Kei te tino harikoa mātou kua whakaae mai a Ahorangi Graeme Fraser ka mahi tonu ia hei heamana.

I te marama o Noema 2007, ka whakaputa a Ako Aotearoa i te pukapuka ā-tau *Excellence*, e whakapūkete ana i te hunga whiwhi paraihe o te tau 2007.

Nā mātou hoki me te hunga whiwhi paraihe o mua tētahi rārangi hui ā-rohe i whakahaere ko te whakaaro ko te whakatū i tētahi wānanga whakawhiwhi paraihe ā-motu. I tīmata te kāwanatanga i ngā Tertiary Teaching Excellence Awards i te tau 2002. Mai i taua wā neke atu i te 90 te hunga whiwhi paraihe, tae atu ki te hunga whiwhi ā-rōpū. He nui te mana o aua paraihe i te hapori mātauranga tuatoru. Heoi anō, kāore anō kia mahia he whakamātauranga pūnahanaha ki te whakamahi tonu i aua tautōhito ina tautuhitia.

Tēnā pea ka whakarato te whakatūnga o tētahi wānanga ōkawa, whakahoatanga rānei o te hunga whiwhi paraihe i tētahi rauemi tino nui mō te rāngai mātauranga tuatoru o Aotearoa. Ka nui te ngākau whakapuke ki taua ariā, ā, kua tāpaetia he tono ki te aroaro o te poari i tōna hui tuatahi mō te tau 2008.

HE KUPU WHAKAMUTUNGA

Kua whakaongaonga, kua toritori ngā mahi i tēnei whakahaere pihinga tonu, ā, kua para mātou i te huarahi kia āhei ai mātou te hanga i ngā kōtuituinga me ngā whakahoatanga pakari i roto i te rāngai. Mātakitaki tonu mai!



Peter Coolbear
Hānuere 2008



Ngā Tari ā-Rohe

E toru ngā tari ā-rohe a Ako Aotearoa. Kei Tāmaki Mākaurau te tari raki, e tautokoruatia ana e Te Wānanga Aronui O Tamaki Mākau Rau me Te Whare Takiura o Manukau, ā, ka whakarato ratonga ki te haurua raki o Te Ika a Māui (ko te paenga o runga ko tētahi rārangi e ahu mai ana i Whangaokena mā Tūrangi tae atu ki Taumaranui). Kei Papaioea te tari puku, e tautokoruatia ana e te Universal College of Learning (UCOL) me Te Kunenga ki Pūrehuroa, ā, ka whakarato ratonga ki te huarua tonga o Te Ika a Māui. Ka whakaratohia Te Waipounamu e te tari tonga i Ōtāutahi. Kei te tautokona tēnei e Te Whare Wānanga o Waitaha.

I heipū tonu kua rerekē te whanaketanga o ngā tari ā-rohe i te tau 2007, nā te wātea o ngā kaimahi, nā ngā wā i oti ai ngā whakatūnga kaimahi matua, nā te herenga o ngā rawa matua ki ngā mahi whakapūmau i ngā tari, me te āhua o aua rohe anō.

Mā te whakahōnore tonu i ngā mātāpono whakahoatanga whakahaere i whakaūngia ai a Ako Aotearoa, i whakamātau mātou ki te hoatu ki ngā tari ā-rohe i te nuinga o te hāngoretanga me te mana motuhake ka taea. I taua wā anō hoki ka whakapau kaha mātou hei rōpū kotahi ki te whakawhanake i te huarahi ōrite, tōkeke hoki i runga anō i tērā tōpūtanga pūtake, mātāpono hoki he mea āta tautuhi, e kitea ana i roto i tā mātou mahere rautaki.

Nā te mea e haere ana ngā tari ā-rohe i mua i te tari ā-motu ake i puta mai ētahi mea angitu me ētahi mahi pāhekoheko, ko tētahi mea nui o ēnei ko tō mātou kaha urupare ki te whānuitanga o ngā momo kaiwhakarato i te rāngai.


TE WHAKAPĀ ATU KI NGĀ KAIWHAKARATO I IA ROHE

Ko te mahi matua mā ia tari ā-rohe ko te whakawaia i a rātou ki ngā whakahaere mātauranga tuatoru kei ō rātou rohe. He mahi nui whakaharahara tēnei. Kua whakahaeretia e ia tari ā-rohe he kaupapa rapu wāhi ā-mahere kia tautuhi ai i ngā Kaiwhakarato Mātauranga Tuatoru katoa e mahi ana me te kimi ko wai ngā tāngata whakapā matua mō tā matou whakahaere. Kua whakawhanakehia he huinga pātengi raraunga motuhake hei whakaraupapa i taua pārongo.

Kua whakapā atu te tari raki ki ētahi Kaiwhakarato Mātauranga Tuatoru e 397 e mahi ana i tōna rohe, e 291 kei te rohe puku, e 262 kē kei te rārangi whakapā a te tari tonga. E mārāma ana kua pā kē ngā rerekētanga i te kaupapa hoatu pūtea ki te whakarato ā-rohe o ētahi o ngā Wāhi Whakangungu Motuhake (PTE) rahi ake, me te noho tuwhera tonu o ētahi atu. Hei tauira, i kite te tari puku i ētahi kaiwhakarato e 36 i tōna rohe kāore e mahi ana.

Kua tīmataria e te tari raki me te tari puku he hōtaka torotoro i ngā pūtahitanga mātauranga tuatoru ki te whakatairanga ake i Ako Aotearoa me te matapakī i ngā whai wāhitanga pāhekoheko pea. Nā te mea kua whakatūria e te tari tonga te katoa o āna kaimahi ināianei, ka taea te pēnei hoki.

Tāpiri atu ki te torotoro i ngā kaiwhakarato matua, kua tīmataria kētia e te tari puku he hōtaka o ngā huinga ā-rohe mō ngā Wāhi Whakangungu Motuhake. He hui ēnei hei kōkiri i tā mātou koromakinga, ki te whakatairanga ake i ngā Tertiary Teaching Excellence Awards (tae atu ki te whakatītina i te tuku tonono mai mō te tau 2008) me te whakaahua i te tukanga whakawhiwhi pūtea a ngā tari ā-rohe. E 86 te tokomaha i tae mai ki aua hui, ā, he kanohi ēnei mō ētahi Wāhi Whakangungu Motuhake e 62. Ka haere tonu tēnei hōtaka ā te tau 2008, ā, kua tukuruatia hoki e ērā atu tari ā-rohe.



TE WHAKATŪ I NGĀ RŌPŪ TOHUTOHU MŌ NGĀ TARI Ā-ROHE

Kia whakarite ai kia whakawhanake ngā tari ā-rohe i ā rātou mahi hei painga rautaki mō te rohe, i pohewatia i roto i te tono taketake a Aotearoa ka whakawhanakehia he rōpū tohutohu mō ia tari ā-rohe. I whakaaetia kia whakahui ia tari ā-rohe i tōna ake rōpū tohutohu i runga anō i tōna hiahia. I tino tōmua atu te whakatūnga o te tari tonga i tō ērā atu, engari he rōpū pukumahi o ngā tāngata tautōhito, mātanga hoki tō tēnā tari ā-rohe, tō tēnā tari ā-rohe. Ka taurangi te tōpūtanga o ngā kanohi kei ia rōpū tohutohu hei whakarite kia tika te tohatoha o ngā kanohi ki ngā kaiwhaipanga me ngā rohe. Ka whaihua kē ēnei rōpū. Ka tino whakamoemiti mātou mō te kaha o ngā mahi a ngā mema o ia rōpū.

TE WĀHI O IA TARI

Hei mea takitaro, i whakatū tuatahitia te tari puku i te Wāhanga Whakangungu, Whakawhanake o Te Kunenga ki Pūrehuroa ki Hokowhitu, Papaioea. I hūnukutia ki ngā whare he mea āta tautapa i te whenua o UCOL i te marama o Akuhata 2007. Kei te whakaata taua hūnuku i te ito whakahoatanga whakahaere o Ako Aotearoa me te whanaketanga o tētahi whakaritenga tautoko tino tōtika i waenganui i Te Kunenga ki Pūrehuroa (Papaioea) me UCOL.

Waihoki, kua whakatauria tōpūtia e ngā kaitautoko o te tari raki ki te hūnuku i taua tari atu i te Wāhi Raki o Te Whare Takiura o Manukau ki ngā whare nō Te Wānanga Aronui O Tamaki Makau Rau, i te Tiriti Kuini, i te manawa tonu o Tāmaki Mākaurau. Mā taua hūnuku e whakaritea ai mō waenga o Hānuere 2008 e āta whakarei te ingoa o taua tari, ā, mā tōna wāhi i te pokapū o te tāone e whakarite kia pai atu te wātea o taua tari ki te maha o ngā hoa whakarato matua. Ka noho tonu Te Whare Takiura o Manukau hei papa mō ērā mahi a te tari ā-rohe e arotahi ana ki te pito tonga o te rohe.

Kua whakarato Te Whare Wānanga o Waitaha i ngā whare he mea tautapa mō te tari tonga i tōna Manga Mātauranga (ko te Kāreti Akoranga o Ōtautahi i mua), ā, i āhei ngā kaimahi kātahi tonu ka whakatūria ki te neke ki aua whare i te marama o Tihema 2007.

TE REGIONAL HUB PROJECT FUND

I whakamānutia i te marama o Oketopa 2007 tēnei kaupapa iti mō te hoatu pūtea (tae atu ki te \$10,000), ā, e whakahaeretia ana e ngā tari ā-rohe. Ko tā te kaupapa hoatu pūtea nei he whakatenatena i te torotoro me te tiritiri o ngā mahi whakaako papai mā te rangahau, mā ngā kaupapa whakatinana rānei.

Tae mai ki te mutunga o te tau 2007, kua whakamanahia ētahi tono kaupapa tekau, kua tohaina ngā pūtea e \$86,000 te tōpūtanga. Kei te whakaarotia te whakamanatanga o ētahi atu tono kaupapa i tēnei wā tonu. Ko tētahi tino whāinga o tēnei kaupapa hoatu pūtea ko te whakarei i ngā kaha o ngā whakahaere mātauranga tuatoru me ētahi atu kaiwhakarato ratonga. Ko tā ngā tari ā-rohe he whakatenatena i ngā tono mai i te whānuitanga o te rāngai mātauranga tuatoru, he whakarite hoki kia wātea he tautoko kaha mō te whakawhanake tono me te whakarite kia haere whakamua ngā kaupapa a ngā kaitono ihupuku.

Tae mai ki tēnei wā, ka whai wāhi e toru ngā whare wānanga, e whā ngā pūtahitanga takiura me ngā kuratini, me ētahi Whakahaere Whakangungu Ahumahi (ITO) e rua ki ēnei kaupapa. He nui tō mātou harikoa ko te kaupapa tautahi i whakamanahia ai ko tētahi nā tētahi Whakahaere Whakangungu Ahumahi – nā te Building and Construction Industry Training Organisation.

NGĀ KAUPAPA Ā-MOTU

I tērā tau ka whai wāhi hoki ngā tari ā-rohe ki ngā kaupapa ā-motu ki te āwhina i te whakatūnga o te whakahaere. I ārahina e te tari raki te kaupapa kimi wāhi ā-mahere me te whakawhanaketanga o te mātārere whakamōhio, ka ārahina e te tari tonga te whakawhanaketanga o te Regional Hub Project Fund me te tiro tiro tonu i ngā kaupapa o te Teaching Matters Forum.

I taua wā tonu ka kawea e te tari puku ngā Tertiary Teaching Excellence Awards mō Ako Aotearoa, mō te whakawhanake hoki i tā mātou whakaputanga tuatahi, *Excellence*, ka kōrero mō te hunga whiwhi paraihe o te tau 2007 i tukuna ai i te marama o Noema 2007.

He Whakarāpopotonga o ngā Kaneketanga ki ngā Whakatutukitanga ā-Kaupapa me ngā Tohu Nui a Te Amorangi Mātauranga Matua

1: NGĀ MAHI TUATAHI WHAKATŪ I TE POKAPŪ

Ko te rā taketake i whakamaheretia mō te whakaoti, *Tihema 2006*

1.1	Ka hainatia te whakaaetanga me Te Amorangi Mātauranga Matua (TEC)	He mea haina te whakaaetanga i te 27 o Oketopa 2006
1.2	Ka whakahuia te rōpū whakatū	I tū te hui tuatahi o te rōpū whakatū i te 15–16 o Oketopa 2006
1.3	Ka whakatūria te rōpū whakahaere takitaro	I whakatūria a Ahorangi Tom Prebble hei kaiwhakahaere mō te wā, i <i>Akuhata 2006</i>
1.4	Ka hainatia ngā whakaaetanga i waenga i Te Kunenga ki Pūrehuroa, te pokapū, me ngā tautokorua	He mea haina ngā whakaaetanga: e te Wānanga Aronui o Tāmaki Makaua Rau, <i>Noema 2006</i> ; e Te Kunenga ki Pūrehuroa, <i>Pepuere 2007</i> ; e Te Whare Wānanga o Waitaha, <i>Aperira 2007</i>
1.5	Ka whakatūria ngā tari ā-rohe, ka whakahuia ngā rōpū tohutohu o ngā tari ā-rohe	I whakatūria ngā tari ā-rohe, <i>Tihema 2006</i> . I whakahuia tuatahitia ngā komiti tohutohu o ngā tari ā-rohe: tari raki, <i>Noema 2007</i> ; tari puku, <i>Tihema 2007</i> ; tari tonga, <i>Hune 2007</i>
1.6	Ka whakatū ā-kirimanatia ngā kaimahi o ngā tari ā-rohe	I oti ngā whakatūnga takitaro, <i>Tihema 2006</i>
1.7	Ka whakahuia te rōpū tohutohu aromātai	Kāore i whakatinanatia i tēnei wā
1.8	Ka tīmataria ngā kaupapa o ngā tari ā-rohe	I tīmataria ngā kaupapa tuatahi, <i>Tihema 2006</i>
1.9	Ka whakawhanakehia te Whakaahuatanga Tūnga mā te Kaiwhakahaere o te pokapū, ka pānuitia hoki	I pānui ā-motutia, ā-aotia hoki, <i>Tihema 2006</i>
1.10	Ka tīmataria te tukanga whakatū i te poari kāwana	I whakaritea tahitia te tikanga mahi hou me ngā mema o te poari e Te Amorangi Mātauranga Matua, ngā kaiwhaipanga matua, me Te Kunenga ki Pūrehuroa, <i>Pepuere 2007</i>
1.11	Ka whakaūngia te hōtaka mahi takitaro, ka tīmataria hoki te whakatinana	Pēnei i te mea 8.
1.12	Ka tīmataria te kaupapa aromātai	I tū tētahi hui tuatahi, <i>Pēpuere 2007</i> . Kāore he mahi i tua atu i tēnei wā.
1.13	Ka whakawhanakehia te waitohu	I whakatinanahia te tuakiri ataata, <i>Hānuere 2007</i>
1.14	Ka whakatūria he pae tukutuku	Ka whakatūria tētahi pae tukutuku takitaro, <i>Pēpuere 2007</i>

2: KA OTI TE WĀHANGA WHAKATŪ POKAPŪ

Ko te rā taketake i whakamaheretia mō te whakaoti, *Maehe 2007*

2.1	Ka whakatūria te poari kāwana	I whakatūria ngā mema poari, <i>Mei 2007</i>
2.2	Ka whakatūria te poari kāwana	I whakatūria a Ahorangi Bryan Gould hei heamana o te Poari Ako Aotearoa, <i>Pēpuere 2007</i>
2.3	Ka whakatūria te kaiwhakahaere	Ka tīmata ngā mahi a Tākuta Peter Coolbear i te tūnga Kaiwhakahaere, <i>Hūrae 2007</i>
2.4	Ka whakaritea te mahere pūtea hukihuki a te pokapū	Ka hikitia kia whakatūria rā anō te poari hou me te kaiwhakahaere (tirohia 3.5 kei raro nei)
2.5	Ka whakawhanakehia he aratohu kaupapa	I whakawhanakehia ngā aratohu mō te Regional Hub Project Fund, <i>Hepetema 2007</i> . I whakamanahia te kaupapa here whakamaru, <i>Oketopa 2007</i>
2.6	Ka tukua he tono mō ngā kaupapa tuatahi	I tukua whānuitia te karanga mō ngā tono mō ngā kaupapa tari ā-rohe, <i>Oketopa 2007</i>
2.7	Ka whakahaerehia te whai haere i te tukanga kōwhiri i te hunga whiwhi paraihe	I oti i te tari puku, <i>Hune 2007</i>
2.8	Ka tīmataria te kaupapa kimi wāhi ā-mahere	I ārahina tēnei mahi e te tari raki
2.9	Ka pānuitia ngā tūnga kaimahi ukiuki	I whakamahia he whakatūnga pūmau ki ngā tūnga o Kaiwhakahuihui i ia tari ā-rohe me ngā tūnga o Kairuruku i te tari raki me te tari puku. Ka whakatauria ki te whakaroa atu i te whakatūnga o ētahi atu tūnga ukiuki kia whiwhi kōrero rā anō e pā ana ki ngā whakaahuatanga tūnga mai i te kaiwhakahaere hou.

3: KA WHAKAMĀNU ŌKAWATIA TE POKAPŪ

Ko te rā taketake i whakamaheretia mō te whakaoti, *Hune 2007*. I whakaritea anō e mātou ko Te Amorangi Mātauranga Matua kia nekehia ngā wā whakatutuki ki *Oketopa* (3.4 me 3.5), *Noema* (3.12), me *Tihema* (3.8–10)

3.1	Ka hui te poari kāwana mō te wā tuatahi	I hui te poari mō te wā tuatahi, <i>4 Hūrae 2007</i>
3.2	Ka whakawhiti te rōpū whakatū i te mana whakahaere ki te poari kāwana me te kaiwhakahaere	I tū te pōwhiri mō te Poari Ako Aotearoa me te Kaiwhakahaere ki te mānawa i runga i te ōkawa i te pokapū ki te wāhi o Te Kunenga ki Pūrehuroa i te Whanganui-ā-Tara, ki te whakapai hoki i te whare, <i>4 Hūrae 2007</i> . I whakamānu ōkawatia te pokapū e te Kahurangi Tākuta Michael Cullen, Pirimia Tuarua, Minita hoki mō te Mātauranga Tuatoru, <i>1 Noema 2007</i>
3.3	Ka oti te kirimana mō te kaiwhakahaere mō te wā	I whakawhitia te mana whakahaere ki te Kaiwhakahaere, <i>4 Hūrae 2007</i>
3.4	Ka whakaaetia, ka tautoko ā-pūteatia ngā kaupapa pokapū tuatahi	Ka whakaae The Building and Construction Industry Training Organisation ki te kaupapa tari ā-rohe tuatahi, <i>Hepetema 2007</i>
3.5	Ka whakaotia te mahere pūtea a te pokapū	Ka whakaaetia te mahere pūtea a te pokapū mō te tau 2007 e te poari, <i>Oketopa 2007</i>

3.6	Ka whakaaetia te rā whakawhiti i te tuku whakawhiwhi paraihe	I matapakitia te whakahaerenga o ngā Tertiary Teaching Excellence Awards 2007, ā, i whakawhitia mai te mana whakahaere i NZQA ki Ako Aotearoa, <i>Akuhata 2007</i>
3.7	Ka whakaritea te mahere ā-tau	I whakawhanakehia he mahere pakihi waitohu mō te hui tuatahi o te poari
3.8	Ka whakatūria te Wānanga ā-Motu Whakawhiwhi Paraihe, ka tū tōna hui tuatahi	I tū he rārangi o ngā hui mō te hunga whiwhi Tertiary Teaching Excellence Awards, <i>Oketopa–Tihema 2007</i> . I whakatūria te rōpū whakatū i te Wānanga, ā, ka whakaritea te hui tuatahi mō te marama o <i>Hānuere 2008</i>
3.9	Ka whakaaetia te mahere whakawhiwhiti kōrero	Kāore anō kia tīmata. He auau ngā whakahoutanga o te pae tukutuku me ngā whakawhiwhiti kōrero ki ngā kaiwhaipanga. I whakaaetia te mahere whakawhiwhiti kōrero e te poari hei wāhanga o te mahere rautaki, <i>Tihema 2007</i>
3.10	Ka whakaputaina te tūtohunga hukihuki me te mahere rautaki	I whakawhanakehia te tūtohunga hukihuki me te pepa kōwhiringa rautaki mā te hui tuatahi o te poari, ka whakahaeretia he mahi tāpiri i ngā hui i whai atu
3.11	Ka oti te kaupapa kimi wāhi ā-mahere	Te kaupapa kimi wāhi ā-mahere: i oti mō ngā rohe o te raki me te puku, <i>Noema 2007</i>
3.12	Ka whakatūria ngā kaimahi ukiuki	I whakatūria he Kaiwhakahaere Mahi ukiuki ki te tari raki me te tari puku, <i>Noema–Tihema 2007</i> . I whakatūria he Kairuruku/Kaiwhakahaere Mahi, Mahi ā-Tari ki te tari tonga, <i>Noema 2007</i> . I whakatūria he Kaiwhakahaere Mōhiotanga ki te Tari ā-Motu, <i>Tihema 2007</i>

4: KA HAERE KATO A NGĀ MAHI A TE POKAPŪ

Ko te rā taketake i whakamaheretia mō te whakaoti, *Hepetema 2007*. I whakaritea anō e mātou ko Te Amorangi Mātauranga Matua kia nekehia ngā wā whakatutuki ki *Pēpuere 2008* (4.2, 4.3), *Maehe 2008* (4.1, 4.4), me *Tihema 2008* (4.5).

4.1	Ka hainatia te pūrongo ā-tau	I whakaaetia tahitia me Te Amorangi Mātauranga Matua ki te tāpae i tētahi pūrongo i ia tau. Ko te wā whakarite mō te pūrongo ā-tau tuatahi, <i>Maehe 2008</i>
4.2	Ka whakaūngia te mahere ā-tau, ka hainatia	I whakaaetia te mahere pakihi mō te tau 2008 e te poari, <i>Tihema 2007</i>
4.3	Ka hainatia te mahere pūtea	I whakaaetia te mahere pūtea mō te tau 2008 e te poari, <i>Tihema 2007</i>
4.4	Ka tīmata ōkawatia he whanaungatanga tauutuutu me ngā whakahaere ā-ao pēnei i te Carrick Institute, te Higher Education Academy rānei	I whakaotia ngā whakaritenga mō te toro i te Carrick Institute ā te marama o <i>Hānuere 2008</i>
4.5	Ka oti te tūtohunga me te mahere rautaki	I whakamanahia te tūtohunga e te poari, <i>Oketopa 2007</i> . I whakamanahia te mahere rautaki hei pepa whakahaere whai mana, <i>Tihema 2007</i>



Ngā Kaupapa o Nāianeī

I te 31 o Tihema 2007

NGĀ KIRIMANA Ā-WAHO

KAIHOATU PŪTEA	KAIĀRAHI KAUPAPA	TAITARA O TE KAUPAPA ME TE WHAKARĀPOPOTONGA	TE RAHINGA I WHAKAWHIWHIA	TE RĀ WHAKATUTUKI
Te Tāhuhu o te Mātauranga	Gordon Suddaby (Te Kunenga ki Pūrehuroa); Tom Prebble; Andrew Higgins (Te Wānanga Aronui o Tāmaki Makaurau)	Mōhiotanga Tuatoru Ako ā-Ipurangi Wāhanga 1 “Ka arotahi te kaupapa ki te whakatutuki i ngā matea mōhiotanga ako ā-ipurangi o ngā kaiwhakahaere o te mātauranga tuatoru, ā, ka ruruku i te whānuitanga o ngā rangahau me ngā rauemi whitake ki te āwhina i te whakamahere mō te whakapai haere tonu i ngā kahanga ako mā te ipurangi.” [mai i te whakaaetanga whiwhi pūtea, Aperira 2007]	\$109,682	Ki waenganui i te tau 2008
Te Amorangi Mātauranga Matua me te Rōpū Mahi Whakawhanaketanga Ngaio o te Mātauranga Hapori (ACE)	Peter Coolbear	Te Mātauranga Pakeke, Hapori hoki Awheawhe Rangahau Ka whakahuihuitia mā tēnei awheawhe ngā kairangahau me ngā kaimahi whai wheako i ACE ki te tautuhi i ngā mahi rautaki tuatahi mō te rangahau/whakatinana kaupapa ki te whakarei ake i te whakaako me te ako i tēnei rāngai.	\$10,000	Maehe 2008

TE REGIONAL HUB PROJECT FUND: NGĀ KAUPAPA E TAUTOKO Ā-PŪTEATIA ANA E AKO AOTEAROA

Ngā kaupapa tae atu ki te \$10,000 te uara, e whakahaeretia ana, e tautokona ana e ngā tāri ā-rohe

KAIĀRAHI KAUPAPA	WHAKAHAERE HOA	TAITARA O TE KAUPAPA ME TE WHAKARĀPOPOTONGA [MAI I NGĀ TONO KAUPAPA]	TE RAHINGA I WHAKAWHIWHIA	TE RĀ WHAKATUTUKI
Lewis Thompson	Skills 4 Work	<p>Ngā piatanga angitu – kei reira he tikanga tūmatarau?</p> <p>Te torotoro i ngā huānga o te piatanga angitu, me te whakamahi i taua mōhiotanga ki te tohutohu i ērā pūtahitanga ka aweawe i te whai a te ākonga i tōna ara hei pia.</p>	\$9,997	Hei whakaūnga tonutanga
Mark Barrow	Te Whare Wānanga o Tāmaki Makaurau	<p>Te mahi ngātahi: ngā waiaro e pā ana ki te mahi hei rōpū o ngā tohunga hauora kāore e roa tā rātou whai i te ara pikitanga mahi</p> <p>Ko te whai o tēnei rangahau he torotoro i ngā māramatanga, ngā whakapono, me ngā waiaro e pā ana ki te tuakiri ngaio o ngā tākuta tēina me tō ngā tapuhi kāore e roa tā rātou whai i te ara pikitanga mahi. Mā tēnei e mātau ake ai ngā kaiwhakarato tuatoru me pēhea e pai ake ai tā rātou whakareri i ngā ākonga mō te neke atu i ngā akoranga ki te mahi, me te whakapai ake i te tōtika o te whai wāhi ki ngā rōpū tiaki hauora.</p>	\$9,838	Oketopa 2008
Ruma Karaitiana rāua ko Amanda Gilbert	Building and Construction Industry Training Organisation (BCITO)	<p>Te painga o ngā mōkihi ako me te hāngai o ēnei ki ngā pia hanga whare</p> <p>Kua kitea he āwangawanga e pā ana ki te tikanga me ngā kiko o ngā mōkihi ako e whakamahia ana e ngā pia ki te whakaoti i ētahi wāhanga o ā rātou tohu mātauranga. Kei te uiuitia he pia, he kaitukumahi, he kaimahi nō BCITO, me ngā kaiwhakahaere. Ka whakamōhio ngā otinga i tētahi whakataunga e pā ana ki te momo me ngā kiko o ngā akoranga pia ā muri atu.</p>	\$8,300	I ngā marama tōmua o 2008
Paulene Crook	Te Whare Wānanga o Te Awakairangi (WelTec)	<p>He hōtaka whakawhanake pūmātauranga kōmitimiti</p> <p>Ki te hoahoa me te whakapuaki i tētahi hōtaka whakawhanake arataki, whakawhanake kaha hoki mō ngā kaimahi pūmātauranga i WelTec (kua whakaaetia tēnei i runga anō i te mea ka wātea ngā rauemi ki te iwi whānui).</p>	\$10,000	Maehe 2008

KAIĀRAHI KAUPAPA	WHAKAHAERE HOA	TAITARA O TE KAUPAPA ME TE WHAKARĀPOPOTONGA [MAI I NGĀ TONO KAUPAPA]	TE RAHINGA I WHAKAWHIWHIA	TE RĀ WHAKATUTUKI
Kathryn Sutherland rāua ko Lesley Petersen	Te Whare Wānanga o Te Upoko o Te Ika a Māui, Te Whare Takiura o Kahungunu	Ko te angitu me te papātanga o ngā tāngata pūmātauranga kāore e roa tā rātou whai i te ara pikitanga mahi i roto i ngā pūtahitanga tuatoru i Aotearoa Ko tā tēnei kaupapa hei hura i ngā wheako o ngā tāngata pūmātauranga kāore e roa tā rātou whai i te ara pikitanga mahi i ētahi pūtahitanga tuatoru e rua o Aotearoa. Ko tā māua e whai nei, ko te tautuhi i ngā tukanga matua, arataki, whakangungu, whakawhanake hoki tērā e whakaputa hei hua i ngā tāngata pūmātauranga he pai tō rātou noho takatū, e āhei ana te whakarei i ngā putanga ako o ā rātou ākongā, me ō rātou anō ara pikitanga mahi. Ka tūhurahura te kaupapa i ngā wheako o ngā kaimahi Māori me te papātanga o ngā ākongā Māori ki ngā kaimahi katoa ka whai wāhi ki tēnei rangahau.	\$10,000	Hepetema 2008
Tony Hooper	Te Whare Wānanga o Te Upoko o Te Ika a Māui	Te whakahaere i runga anō i te iratāngata me ngā āhuatanga oranga – ngā āhuatanga kipakipa e aweawe ana i te whai wāhi a ngā ākongā ki tētahi hōtaka whakahaere e whakaakona ana i muri i ngā wheako [he rangahau whakatairite ā-ao hei whakawhanake i tētahi]... māramatanga o ngā whāinga ākongā whaiaro me te āhua e aweawe ai ngā wawao whakaako i ngā ara whai pikitanga o ngā kaupapa.	\$6,500	Noema 2008
Sarah Seaholme	Universal College of Learning (UCOL)	He rangahau i te pupuri ākongā me ngā paetae ākongā i ngā akoranga Taumata 1 o UCOL me ngā rautaki whaitake ki te whakapiki atu i te pupuri ākongā me ngā paetae ākongā Te torotoro i ngā rautaki ka taea mō te whakapiki atu i te pupuri ākongā me ngā paetae ākongā i ngā akoranga Taumata 1 i UCOL, mā te whakamahi i tētahi rangahau take i Uxbridge College i Piritene Nui.	\$6,700	Hei whakaūnga tonutanga

KAIĀRAHI KAUPAPA	WHAKAHAERE HOA	TAITARA O TE KAUPAPA ME TE WHAKARĀPOPOTONGA [MAI I NGĀ TONO KAUPAPA]	TE RAHINGA I WHAKAWHIWHIA	TE RĀ WHAKATUTUKI
Terry Stewart	Te Kunenga ki Pūrehuroa	<p>Te hanga rangahau take pāhekoheko mō ngā whakangungutanga tuatoru: wheako whakaari matatika</p> <p>Ko te whai o tēnei kaupapa ko te whakawhanake i ētahi wheako whakaari ā-ipurangi, he mea rongorau, he mea whai hopanga hoki mō te whakangungu matatika i te rāngai mātauranga tuatoru.</p>	\$9,980	Hūrae 2008
Ko Irina Elgort mā	Te Whare Wānanga o Te Upoko o Te Ika a Māui	<p>Ngā taputapu ā-ipurangi mō te mahi tahi ki te ako, te whakaako me te rangahau</p> <p>Anei ngā otinga o tēnei kaupapa: (1) ko te hanga i tētahi arataki o ngā taputapu mahi tahi ā-ipurangi ka āwhina i ngā kaimahi ki te kōwhiri taputapu ā-rorohiko mō ā rātou kaupapa me te whakamōhio i ngā whakataunga mō ngā āhua e whakamahia ai te hangarau ki te whakangāwari i ngā mahi tahi mai i tawhiti (2) te whakarato awheawhe whakawhanaketanga ngaio ka āwhina i ngā kaiako me ngā kairangahau ki te whakamahi i taua arataki i roto i ā rātou mahi.</p>	\$7,600	Maehe 2008
Catherine Ross	Te Wharekura-tini Kaihautū o Aotearoa	<p>Ngā tautoko tika ā-ahurea hei whakauru, hei pupuri me te tautoko i ngā ākongā Māori, Pasifika hoki i te tau tuatahi o ā rātou akoranga tuatoru.</p> <p>Ka tūhurahura tēnei kaupapa i ngā tikanga ka taea ki te tautoko i ngā ākongā Māori, Pasifika hoki, e ako ā-tawhiti ana, ka hoahoa rauemi me ngā tikanga hei whai mā ngā kaimahi hei mutunga iho o taua rangahau.</p>	\$8,885	Hepetema 2008

NGĀ KAUPAPA O TE WĀNANGA TAKE WHAKAAKO (TMF) (NĀ TE TĀHUHU O TE MĀTAURANGA TE PŪTEA)

Nā Te Tāhuhu o te Mātauranga te pūtea mō ēnei kaupapa, mā Te Tāhuhu anō ēnei e tirotiro. Ko ā Ako Aotearoa mahi he tautoko, he whakahōrapa anō hoki. Me oti ēnei hei te mutunga o Mei 2008.

KAIĀRAHI KAUPAPA	WHAKAHAERE HOA	TAITARA O TE KAUPAPA ME TE WHAKARĀPOPOTONGA
Gordon Suddaby rāua ko Rhiannon Herrick	Te Kunenga ki Pūrehuroa	Te whakatupu tapa: ngā mahi papai rawa kei te mātauranga ahuhenua, ahumāra i te mātauranga tuatoru i Aotearoa Ko te whāinga o tēnei kaupapa ko te torotoro me te whakahōrapa i ngā huānga waiwai o ngā mahi whakaako papai i roto i tēnei wāhi marau, ko te hanga hoki i tētahi hāpori kaimahi e arotahi ana ki te whakawhanaketanga o te ako tūroa, te whakatinanatanga o ngā huarahi ako ā-ngohe, hīraurau hopanga hoki, me te whakawhanaketanga ngaio puta noa i te whakahaere.
Tom Cockburn (kaiārahi/ kaiakopono) rātou ko Jill Musgrave ko Rosanne Matheson ko Oneroa Stewart	Te Kuratini o Te Waikato	Te whakarei ake i te tōtika o ngā whakaakoranga me ngā akoranga tuatoru mā te aromatawai Ka whai tēnei kaupapa i te huarahi rangahau take ko tōna whāinga ko te whakaahua me te whakahōrapa i ngā mahi aromatawai hou, tōtika hoki ka whakarei ake i te whakaako tuatoru.
Janinka Greenwood rāua ko Lynne Harata Te Aika	Te Whare Wānanga o Waitaha	Hei tauira: te hiranga o te ako me te whakaako mō ngā Māori kei ngā pūtahitanga tuatoru Kei te tūhura tēnei kaupapa i ētahi tauira o ngā mahi hou, tōtika hoki mō ngāi Māori i ngā pūtahitanga tuatoru o Aotearoa. Ka āta tirotirohia ētahi wāhi e toru, he mea tūhonohono: (1) ngā kaupapa here me ngā mahi a te pūtahitanga, (2) ngā hōtaka me te whakaako, (3) ngā huarahi ākongā.
Neil Haig (kaiārahi/ kaiakopono) rātou ko Peter Gossman ko Xiaomin Jiao	Te Wānanga Aronui O Tamaki Makau Rau	Te whakarei ake i te whanaketanga o ngā kaiako tuatoru mā te mātauranga e pā ana ki te ako me te whakaako Ka arotake tēnei kaupapa i te mātauranga e pā ana ki ngā ngohe ako me te whakaako i Te Wānanga Aronui O Tamaki Makau Rau, Te Whare Wānanga o Waitaha, me Te Kunenga ki Pūrehuroa, ko te whāinga ko te tūhurahura he aha ngā mahi e mahia ana i tēnei wā, he aha hoki ngā tauārai ki ngā mahi āmuri.
Helen Matthews, (kaiārahi/kaiakopono) rātou ko Rachel Spronken-Smith ko Tom Angelo ko Billy O'Steen	Te Wānanga o Ōtautahi, Te Whare Wānanga o Ōtākou, Te Whare Wānanga o Te Upoko o Te Ika a Māui, Te Whare Wānanga o Waitaha	Te ako mā te uiui i roto i te mātauranga paetahi – te whakapūrongo me te tiritiri i ngā mahi papai He kaupapa pāhekoheko tēnei i waenga i ētahi pūtahitanga tuatoru e whā ki te torotoro me te tiritiri i te whānuitanga o ngā rangahautanga hōhono e pā ana ki te ako mā te uiui i te taumata paetahi. Ka whakaahuatia ngā whāinga kaiako me ngā putanga ako e tūmanakohia ana, me ngā wheako o ngā ākongā me te papātanga o ēnei ki ō rātou putanga ako.

Te Pūrongo Pūtea

TAUĀKĪ MONI WHIWHI/WHAKAPAUNGA

Mō te tau mutu mai i te 31 o Tihema 2007

Kupu tāpiri	2007 Mea tūturu \$	2006/2007 Te mahere pūtea \$	2006 Mea tūturu \$
Moni whiwhi			
Tahua kāwanatanga	1	1,640,712	2,236,000
Moni whiwhi o mua mō tēnei tau	2	-181,853	-1,189,144
Ērā atu moni whiwhi			
Tapeke o ngā moni whiwhi		1,458,860	2,236,000
Whakapaunga			
Utunga kaimahi	3	147,048	506,000
Ratonga kirimana	3	84,596	230,000
Pūtea tari ā-tohe		893,730	913,000
Utu whakahaere whānui		9,037	83,000
Tauhokohoko		86,365	50,000
Tautoko ā-pūtea		8,000	10,000
Rīpoi me ngā whare rīhi		37,492	40,000
Tūponotanga	4	120,000	120,000
Utunga hanga anga whakahaere		38,515	95,000
Reti	5	32,581	29,000
Utu whakahaere pokapū		30,163	75,000
Hekenga wāriu		408	
Tapeke o ngā whakapaunga		1,487,935	2,151,000
Tarepa more mō te tau		-29,076	85,000
			-40,524

1 Kua waiho ake te \$451m mō te tau 2008

2 Ka kawea mai te toenga tahua ki te tau ka whai ake

3 Ngā whakatūnga kaimahi e whakamaheretia ana mō te tau 2008

4 Ka kawea mai ki te tau 2008

5 e \$37m kua ārikarika te utu, ā, kua whakawhitia atu ki te tau 2008

Ngā kaute i tātarhia e Te Kunenga ki Pūrehuroa (e kōrero ana te Reta Whakaahuru mai i te Wāhanga Whakahaere Pūtea o Te Kunenga ki Pūrehuroa mō tēnei)

TE KAUTE MONI WHIWHI/WHAKAPAUNGA POKAPŪ KUA TŌPŪTIA

Mō te tau mutu mai i te 31 o Tihema 2007

	Kupu tāpiri	Mea tūturu ki tēnei wā \$	Te mahere pūtea ki tēnei wā \$
Moni whiwhi			
Tahua kāwanatanga	1	1,784,901	2,236,000
Ērā atu moni whiwhi			
Tapeke o ngā moni whiwhi		1,784,901	2,236,000
Whakapaunga			
Utunga kaimahi	2	172,709	506,000
Ratonga kirimana	2	84,596	230,000
Pūtea tari ā-rohe		893,730	913,000
Utu whakahaere whānui		32,535	83,000
Tauhokohoko		86,365	50,000
Tautoko ā-pūtea		8,000	10,000
Rīpoi me ngā whare rīhi		37,492	40,000
Tūponotanga	3	120,000	120,000
Utunga hanga anga whakahaere		95,375	95,000
Reti	4	66,743	29,000
Utu whakahaere pokapū		74,695	75,000
Hekenga wāriu		408	
Tapeke o ngā whakapaunga		1,672,649	2,151,000
Toenga pūtea more ki tēnei wā		112,253	85,000
Ka kawea mai ki te tau 2008		-181,853	
Tarepa more ki tēnei wā	5	-69,600	

1 Kua waiho ake te \$451m mō te tau 2008

2 Ngā whakatūnga kaimahi e whakamaheretia ana mō te tau 2008

3 Ka kawea mai ki te tau 2008

4 e \$37m kua ārikarika te utu, ā, kua whakawhitia atu ki te tau 2008

5 Ngā moni i te Pukapuka Kaute Whānui a Te Kunenga ki Pūrehuroa



Massey University

FINANCE OPERATIONS
Private Bag 11 222
Palmerston North
New Zealand
T 64 6 356 9099
F 64 6 350 5569
www.massey.ac.nz

1 August 2008

Dr Peter Coolbear
NCTTE
Ako Aotearoa

Dear Dr Coolbear

Re 2007 Accounts

I can confirm that the University financial statements have been audited by Audit NZ and that the scope of their audit covers NCTTE. As part of the Audit, nothing negative was brought to our attention in respect of NCTTE accounts.

Yours sincerely



Trevor Sew Hoy
Director, Finance Operations

He Kōrero mō ngā Mema Poari



Ahorangi Bryan Gould

CNZM

MA, BA, BCL (Oxon), LLM (Tāmaki Makaurau), Hon Doc (Waikato)

I whānau a Ahorangi Gould i Hāwera. I riro i a ia tētahi Tohu Paerua Hōnore Hiranga i ngā Ture i te Whare Wānanga o Tāmaki Mākaurau, ka whakawhiwhia ki tētahi karahipi Rhodes mō te ako i te Whare Wānanga o Oxford i oti ai i a ia tētahi Tohu Paetahi Hōnore Hiranga i ngā Ture Tangata.

I tīmata ia i tana umanga mahi mā te mahi i te Tari Rāwāho i Rānana me Brussels, ā, i muri atu ka mahi ia hei mema pāremata Reipa mō te 16 tau. I taua wā i riro i a ia ētahi kawenga i te rūnanga matua āpitihana, ā, nāna ētahi whakahaere pōtitanga whānui e rua i whakahaere mō te Pāti Reipa o Ingarangi.

I te tau 1994, ka hoki mai ia ki Aotearoa ki te mahi hei tumuaki mō te Whare Wānanga o Waikato, ā, ka mahi ia i taua tūnga tae noa ki tana whakatānga i te tau 2004. I taua wā he hiranga ana mahi mō te mātauranga tuatoru puta noa i te motu, i tōna whare wānanga hoki. Ko ia te heamana o te Komiti Tumuaiki o ngā Whare Wānanga o Aotearoa mō tētahi wā, ā, he nui ana whai wāhi ki ngā taukumekume kōrero tūmatanui e pā ana ki ngā kaupapa here mātauranga.

He nui ngā hōnore kua whakawhiwhia ki a ia. I te tau 2005 ka riro i a ia te Companion of the New Zealand Order of Merit (CNZM), ka whakawhiwhia hoki ki a ia tētahi tākutanga whakahōnore e te Whare Wānanga o Waikato i te tau 2006.



Denise Church

CNZM

MS (Wisconsin-Madison), MSc (Waitaha), BCom, BSc (Tāmaki Makaurau)

He mātanga, he kaiwhakahaere kamupene e noho ana i Te Whanganui-a-Tara a Denise Church.

Mai i 1996 ki 2001, ko Denise te Pou Whakahaere o Te Manatū mō te Taiao.

Kei roto i ana mahi ngaio ko te whakahaere ā-taiao, ngā take tūmatanui, me te whakahaere rautaki i te kāwanatanga ā-motu, te kāwanatanga ā-rohe hoki, i te rāngai ahumahi, me te rāngai mahi tūao i Aotearoa, i Ingarangi hoki.

I tēnei wā ko Denise te heamana o te Mana Rauhi o te Rawhi Whakaaturanga o Te Whanganui-a-Tara, o te WWF (World Wide Fund for Nature) mō Aotearoa, ā, ko ia te kaiwhakahuihui mō te Rōpū Tohutohu Matatika o Ngā Kaiwhakatūpato Whakararu Taiao (ERMA). I mua ko ia tētahi kaiwhakahaere o Manaaki Whenua.

Kei te arotahi ana mahi mātanga ki te kaiārahitanga, te rautaki me te kāwana. He tino kaingākoutanga tōna ki te mātauranga, te rangahau, me te whanaketanga ukiuki. E whakahaere ana a Denise i te hōtaka Kāiārahitanga i ngā Mahi a ngā tari kāwanatanga.

He tohu mātauranga ā Denise i te mātāi kararehe, te mātauranga ohanga, te whakahaere rawa, me te whakamahere ā-tāone, ā-rohe hoki. He Ngore Paetahi Rotary ia ki te Whare Wānanga o Wisconsin-Madison.

I riro i a Denise te Queen's Service Order (QSO) i te tau 2002.



Ahorangi Colin Gibbs

PhD (Te Kūnenega ki Pūrehuroa), MEd Hons (Waikato), BA (Ōtākou), DipTchg (NZTTC), FRSA (Rānana)

E pā ana ngā kaingākoutanga ngaio o Ahurangi Gibbs ki te mātauranga kaiako, ina koa ki te āhua e pā ai ngā whakapono, ngā whakaaro me te tuakiri o te kaiako ki te whaihua o āna mahi.

He kaha ana mahi hei mātanga mātauranga, he nui ngā pukapuka kua whakaputaina e ia, ā, whakapuaki pepa ai ia i tēnei whenua, i tāwāhi anō hoki. He nui ana wheako i te rāngai mātauranga tuatoru, me te nui o āna mahi hei kauhautū i te mātauranga kōhungahunga, i te mātauranga kaiako o ngā kura tuatahi, i te mātauranga kaiako ā-motu, me te rangahau.

I mahi ia hei kaiako akomanga i ngā kura tuatahi me ngā kura takawaenga, i whakaako hoki hei tohunga toi, hei pouako matua hoki o ngā akomanga tēina. I whakaako hoki a Colin i te taumata tuatoru i te Wānanga Aronui o Tāmaki-makau-rau, i te Kunenga ki Pūrehuroa, i te Whare Wānanga/Takiura o Waikato, i te Whare Wānanga/Takiura o Ōtākou, me te Whare Takiura o Papaioea.

I hono atu a Ahurangi Gibbs ki te Wānanga Aronui o Tāmaki-makau-rau hei tumuaki tuatahi o te Manga Mātauranga me ngā Tikanga ā-lwi, i muri i tana mahi hei Ahurangi Tuarua, hei kaiwhakahaere hoki o te Mātauranga Tuatahi i te Whare Takiura i Te Kunenga ki Pūrehuroa. I whakawhanake taua manga i ngā hōtaka kua whai i ngā ara hou, kua whakatairanga ake i te hiranga o ngā mahi whakaako mā te whakaako i te mātauranga āhuatanga motuhake, pēnei i te mātauranga Steiner, Montessori, me Pasifika. I tukuna e ia te tūnga o Tumuaiki o te Manga Mātauranga kia nui atu ai tana aro ki te tiroiro ākongā e whai ana i te mātauranga tākutātanga.

Ko ia te Tumuaiki o Mua Tata Iho o Te Hunga Rangahau Mātauranga o Aotearoa (NZARE).

Kei te mahi tonu a Colin hei kaipeita, hei kaihanga hāraunga hoki. He pūkenga ia o te Royal Society of Arts (Rānana).




Darel Hall

MCom Hons, BA Hons (Waitaha), Cert Tikanga/Te Reo Māori

He mātanga a Darel Hall e noho ana i Ōtautahi me ngā wheako ahumahi, ngā wheako e pā ana ki ngā kaupapa here mō te ākongā i te mātauranga tuatoru. E arotahi ana mahi ki ngā akiaki o te mākete, ki te whakawhanake ahumahi, me ngā kaupapa here mō te mātauranga tuatoru.

E whai wāhi ana ki ana wheako e whā ngā tau hei Kaiwhakahaere Matua o te Industry Training Federation, hei Kaiwhakahaere Whakawhitihiti Kōrero mō Competenz Industry Training, e rua ngā wāhanga hei Tumuaiki o te Rōpū Ākongā o Te Whare Wānanga o Waitaha, hei mema hoki o te Rūnanga o Te Whare Wānanga o Waitaha, me ētahi mahi rangahau pāremata.

Neke atu o te 20 tau e mahi ana a Darel hei kaitohutohu i ngā wāhi pēnei i te reo Ingarihi hei reo tuarua, te whakaako i te whare wānanga, me te whakaako karate.



Tākuta Jacqeline (Jaki) Horn

PhD, BSc Hons, DipClinPsych (Waitaha), Cert Quality in NZ Healthcare, ISO9001:2000 Series Lead Auditor

Ko Dr Horn te Kaiwhakahaere mō te Whakangungu me te Whakawhanaketanga Ngaio o Te Rōpū Mātai Hinengaro o Aotearoa, ā, he mema hoki ia o te Rōpū Arotake Tiroiro, i nā noa nei i whakamararatia, tērā i tiroiro i te rēhitatanga o ngā mātai hinengaro.

He pūkenga matua ia i te Tari Rongoā Hinengaro, Te Whare Wānanga o Ōtākou, i Ōtautahi mō te 12 tau. Kei te haere tonu ana mahi i reira hei pūkenga haumanu matua. Kei tua atu i ana mahi rangahau me ana mahi wheako i te rāngai hauora, he nui ana wheako whakaako, tiroiro i ngā mahi rangahau, me te whakangungu ngaio i ngā mātai hinengaro, ngā tohunga ngaio me ngā ākongā paerua.

He mema a Tākuta Horn o ētahi rōpū ā-ture, Te Kaunihera Whakatūpatō Waipiro o Aotearoa, me te Poari Mātai Hinengaro o Aotearoa. Kei tua atu, kei te mahi hei mātanga mō te whānuitanga o ngā whakahaere, tae atu ki te tātari i ngā ratonga hauora, hauā hoki. I tēnei wā he harangote ana mahi hei Kaimātai Hinengaro Haumanu Matua, Ratonga Matehā, i te Hōhipera o Ōtautahi.



Ahorangi Kathie Irwin

Ngāti Porou, Ngāti Kahungunu, Rākaipāka, PhD (VUW), MEd, BEd Hons 1st Class, DipTchg (Te Kunenga ki Pūrehuroa), DipTchTrain (PNTC)

He tohunga a Ahorangi Irwin mō te mātauranga Māori, mō te rangahau Māori, me te haere whakamua a te Māori. I whakangungua ia hei kaiako kura tuatahi mai i 1974 ki 1976, ā, i oti i a ia ana tohu mātauranga tuatahi e 3 i te mātauranga i Te Kunenga ki Pūrehuroa: BEd (1977), BEd Hons 1st Class (1978), me te MEd (1988). I puta ia i te Whare Wānanga o Te Upoko o te Ika a Māui hei tākuta i te tau 2002.

Neke atu i te 25 tau e mahi ana ia i ngā tūnga pūmātauranga i te rāngai tuatoru. Mai i 1981 ki 1988, he pūkenga ia i te Kunenga ki Pūrehuroa. Mai i 1988 ki 2000 i te Whare Wānanga o Te Upoko o te Ika a Māui ia. Mai i 2002 ki 2005 ka mahi ia i te wāhi o te whanaketanga rautaki, pakihi hoki mō Te Kōhanga Reo, tētahi o ngā kaiwhakarato matua mō te mātauranga tuatoru mā te Māori i te reo Māori me ngā tikanga Māori. I hono atu ia ki te wānanga ā-iwi, ki Te Whare Wānanga o Awanuiārangi, i te tau 2005.

Mai i Hūrae 2007 ki Hune 2008 e mahi ana a Kathie hei pūkenga rangahau paetoru i Te Whare Wānanga o Awanuiārangi. E rua ngā pukapuka e tuhituhi ana ia i tēnei wā: *Māori Education: Creating Transformative Change* me *Māori Education: From Wretchedness to Hope*.



Tākuta Joce Jesson

PhD, MA Hons (Tāmaki Makaurau), DipGuid, DipHSc (Ōtākou), DipTchg, He Pūkenga o Te Riu Roa (NZEI)

He pūkenga matua a Tākuta Jesson i ngā Akoranga Wetewete Kaikini i te Mātauranga i te Whare Wānanga o Tāmaki Makaurau. He mema ia o te Rōpū Kaiwhakahaere o Te Hau Takitini o Aotearoa (ASTE), ā, ko ia te kaiārahi o te uepū mātauranga kaiako.

He whānui ana wheako whakaako i te whānuitanga o ngā tūāhuatanga: kura tuatahi, kura tuarua, me te mātauranga tuatoru, i roto i ngā tāone, i te taiwhenua hoki. Kei te whakaako ia i Te Whare Wānanga o Tāmaki Makaurau i ngā tikanga rangahau, ngā kaupapa here mātauranga, me ngā akoranga paerua e pā ana ki ngā āhuatanga tōrangapū, ahurea hoki o ā ngā kaiako mahi, ki te ako tūroa anō hoki. E tino kaingākau ana ia ki te tautōhito ngaio o ngā kaiako tuatoru, ki te whakanui hoki i ō rātou pūkenga mā ngā tohu mātauranga. Kei roto i ana kaingākautanga rangahau ko ngā mahi a ngā kaiwhakaako, te mātauranga uniana, te mātauranga hapori, pakeke hoki, me ngā kaupapa here mātauranga.

He mema a Joce o te poari kaiwhakahaere o Auckland Regional Holdings, ko te heamana hoki ia o te Māngere Mountain Education Trust. He kaitohutohu mō Te Tari Mahi e pā ana ki te Mātauranga Whanaungatanga Whiwhi Mahi.



Phil Ker

MEd Hons (Te Kunenga ki Pūrehuroa), BCom, Trained Pouako's Dip (Tāmaki Makaurau)

Ka mauria mai e Phil Ker ki te poari ana wheako mai i te whānuitanga o ngā horopaki mātauranga tuatoru, tae atu ki tana mahi o nāianehei hei Pou Whakahaere mō Te Kura Matatini ki Ōtāgo. Kua mahi ia i ngā tūnga pūmātauranga hei pūkenga i ngā akoranga pakihi, hei kaiwhakawhanake

kaimahi, hei kaiwhakangungu hoki i te rāngai kura matatini, i ngā tūnga whakahaere rānei i ngā ratonga ākongā, i ngā rawa tangata, me te whakahaere rawa. He heamana o mua, he mema tūroa ia o Te Hau Takitini o Aotearoa.

Kei roto i ngā tino kaingākautanga o Phil ko te rangahau i te arohaehae kaiako tuatoru, i te kounga pai o te ako me te whakaako, me te titiro ki te ako mai i te tirohanga torowhānui. He whānui hoki ana wheako, he tino mārāma hoki ki ngā rerekētanga o te kāwana ina whakatauritea ki te whakahaere. Ko ia tētahi kaiwhakahaere o TANZ (Tertiary Accord of New Zealand) me Te Tapuae o Rehua.



Ahorangi Tom Prebble

PhD (Alberta), MA Hons (Tāmaki Makaurau), DipTchg (Te Kura Akoranga o Tāmaki Makaurau), Fellow NZ Ed Admin Soc

He mātanga mātauranga a Tākuta Prebble, he ahorangi whakangā o mua o Te Kunenga ki Pūrehuroa. I pau i a ia te nuinga o ana wā mahi i Te Kunenga ki Pūrehuroa. I nā noa tata nei ko ia te Ahorangi Mātauranga Teitei Ake, i mua ka mahi hei Tumuaki (Akoranga Tawhiti, Tāwāhi hoki), hei Kaiwhakahaere o ngā Akoranga Tawhiti, hei pūkenga, he pūkenga matua hoki i te Whakahaere Mātauranga.

Kua mahi a Tom i te whānuitanga o ngā momo mātanga i tēnei whenua, i tāwāhi hoki, e aro ana ki te aromātai hōtaka, te akoranga tawhiti, te ako ā-ipurangi, me te mātauranga tāwāhi. I nā noa nei kua mahia e ia ētahi mahi rangahau e pā ana ki te pānga o te whakawhanaketanga pūmātauranga me ngā ratonga tautoko ki ngā putanga ako a ngā ākongā.



Anania W Randall

BEd, ATC (FTM), AdvDip Tertiary Teaching

Tēnā koutou katoa.

Ko Ngāti Maniapoto, Ngāti Kahungunu, me Te Ātiawa ngā iwi.

Ko Waikare, ko Ōmāhu, ko Waiwhetū ngā marae.

Ko Te Awakairangi te awa, Te Whanganui-a-Tara te moana, ko Wainuiomata tōku tūrangawaewae.

Ko Anania Wiremu Randall tōku ingoa.

Ko ngā wheako mahi a Anania Randall e ahu mai ana i te mataaro pūkawatanga me ngā hanga karetao. Ko te nuinga o āna mahi i te mātauranga he mahi i te rāngai tūmataiti, ā, 19 tau te roa o ana wheako e mahi ana i ngā wāhi whakangungu Māori.

Ko Anania tētahi o ngā heamana tokorua o te Rōpū Kaiwhakahaere ā-Motu o AMPTEE. Kua mahi ia me Te Kunenga ki Pūrehuroa ki te whakawhanake i te hōtaka Tohu Paetahi Mātauranga AMPTEE/ Te Kunenga ki Pūrehuroa e whakahaeretia ana i runga marae, me Te Whare Wānanga o te Upoko o Te Ika a Māui ki te whakawhanake i te hōtaka pōkairua mātauranga kōhungahunga i runga marae e kīia ana ko Whāriki Papatipu, kua huri ināianei hei hōtaka tohu paetahi. Kua mahi tahi a Anania me ngā mātua o ngā tamariki Māori ki te āwhina ki te whakatū i tētahi wāhanga rumaki Māori i te Kura Teitei o Wainuiomata. E mahi ana tēnei wāhanga mai i 2004.

I mua i whai tūrangā ia i ngā poari o Te Kāreti o Ako Pai, ko te Whare Wānanga o Te Upoko o Te Ika a Māui ināianei, me te Kura o Pukeatua i Wainuiomata. Kei te mahi hoki ia i ngā poari o te rūnanga o Te Ātiawa me te Rimutaka Forest Park Trust.



Ahorangi Lorraine Stefani

PhD (Glas), Dip Higher Education Research me Development (University College London), Fellow of the Staff me Educational Development Association, Fellow of the Higher Education Academy (UK)

He pūkenga matua a Ahorangi Stefani me ngā tau e 20 pea e mahi ana i ngā wāhi whānui o te whanaketanga mātauranga, pūmātauranga hoki.

He tāhuhu kōrero kaha tāna e pā ana ki te rangahau, te whanaketanga, te mōhiotanga, me te nui o ana wheako i riro mā ngā tūnga pūmātauranga ukiuki me te whakarato ratonga mātanga ki ngā whare wānanga i Piritene Nui, i Āwherika ki te Tonga, i Hongipua, i Hanekeria, i Huiturangi, me Aotearoa.

He kaitautoko kaha a Lorraine mō ngā rautaki ako e whakaranua ana me te whakarato o ngā wāhi ako whaiaro. He rawe ana pūkenga kōtuitui, ka āhei te whakawhanake i ngā whakahoatanga ukiuki ki te tūhonohono i te whanaketanga pūmātauranga me ngā kaiwhakawhanake ki ngā manga, marau, me ngā ratonga tōpū ā-pūtahi e tika ana. He nui rawa ana wheako whakahaere panoni me te nui hoki o āna otinga rangahau puta noa i te whānuitanga o ngā kaupapa whanaketanga pūmātauranga, tae atu ki te ako ā-ipurangi, te aromatawai i ngā akoranga a ngā ākongā, me te uru atu ngā ākongā ki ngā mahi ako.

He mema o mua a Ahorangi Stefani o te kaunihera tuatahi o te Institute for Learning me Teaching in Higher Education i Piritene Nui, he kaitohutuku hoki mō ngā hōtaka whakawhanake paerua mō te ILTHE (ko te Higher Education Academy ināianei) mai i 2000 ki 2003.



Te Rōpū Whakatū Pokapū

Akuhata 2006 – Hūrae 2007

Gordon Suddaby

Kairuruku Rōpū Whakahaere, Te Kunenga ki Pūrehuroa

Michael Peters

Rōpū Whakahaere, Te Kunenga ki Pūrehuroa

Ahorangi Tuarua Neil Haigh

Rōpū Whakahaere, Te Wānanga Aronui O Tamaki Makau Rau

Alison Holmes

Rōpū Whakahaere, Te Whare Wānanga a Waitaha

Denis Church

Kaitohutohu mō Te Amorangi Mātauranga Matua

Ahorangi Tom Prebble

Kaiwhakahaere mō te wā

HOA Ā-ROHE

Tākuta Helen Anderson, Te Whare Takiura o Manukau

Tākuta Carol Mutch, Te Whare Wananga o Waitaha

Tākuta Sheila Grainger, Universal College of Learning

Ahorangi Wayne Edwards, Te Kunenga ki Pūrehuroa

KANOHI Ā-RĀNGAI

Ahorangi Whatarangi Winiata, Tumuaki, Te Wānanga o Raukawa

Tākuta Brendon Puketapu, Tumu Whakarae, Te Tapuae o Rehua

Bill Fraser, Kaiwhakahaere, Agri-Business Training

Tākuta John Benseman, Rāngai Mātauranga Pakeke

Anania Randall, Aotearoa Māori Providers of Training Education me Employment (AMPTEE)

Ahorangi Kerry Shephard, Kanohi mai i Te Whare Wānanga o te Upoko o Te Ika a Māui



Ngā Kaimahi o Ako Aotearoa

Hepetema 2006 – Tihema 2007

TE TARI Ā-MOTU

Tom Prebble

Kaiwhakahaere ā-Motu (tae noa ki Hūrae 2007)

Peter Coolbear

Kaiwhakahaere ā-Motu

Justin Sampson

Kaiwhakahaere Mōhiotanga

Helen Dobson

Kairuruku Whakapūmau

TE RAKI

Neil Haigh

Kaiwhakahuihui Tautoko

Helen Anderson

Kaiwhakahuihui Tautoko

Kate Cater

Kairuruku

Ruth Peterson

Kaiwhakahaere Mahi

Carol Pito

Kaiwhakahaere ā-Tari (tae noa ki Oketopa 2007)

TE PUKU

Janet Walke

Kaiwhakahuihui

Bonnie Dewart

Kaiwhakahuihui (tae noa ki Tihema 2007)

Gordon Suddaby

Kairuruku

Ian Rowe

Kaiwhakahaere Mahi

TE TONGA

Alison Holmes

Kaiwhakahuihui

Bridget O'Regan

Kairuruku

Judy Henderson

Kaiwhakahaere Whakapūmau
(tae noa ki Noema 2007)

Pat Robertson

Kaiwhakahaere ā-Tari



Ngā Mema o te Rōpū Tohotohu mō ngā Tari ā-Rohe

TE RAKI

Neil Haigh

Kaiwhakahuihui Tautokorua, Te Wānanga Aronui
O Tāmaki Makau Rau

Helen Anderson

Kaiwhakahuihui Tautokorua, Te Whare Takiura
o Manukau

Jane Arlidge

Tai Tokerau Wānanga

Kim Crosland

Cut Above (NZAPEP)

Faimai Tuimauga

Pasifika Education Centre

Stanley Frielick

Higher Education Research and Development
Society of Australasia (HERDSA)

Jennifer Lees-Marshment

Te Whare Wānanga o Tāmaki Makaurau

Liz Fitchett

Whare Takiura o Waiariki

TE PUKU

Janet Walke

Kaiwhakahuihui ā-Rohe, Universal College of
Learning

Jan Blayney

Te Whare Wānanga o Te Awakairangi

Lesley Petersen

Te Whare Takiura o Kahungunu

Ronnie Stallard

Taratahi Agricultural Training Centre

Greg Durkin

NZ Flooring Industry Training Whakahaere

Peter McNeur

Wairarapa REAP

Manuere Devonshire

Whakaakoranga, Te Wānanga O Raukawa

Tom Angelo

University Teaching Development Centre, Te
Whare Wānanga o te Upoko o Te Ika a Māui

Flora Gilkison

Pacific Hotel Management School

Richard Forgie

Vision Manawatu

TE TONGA

Alison Holmes

Kaiwhakahuihui, Te Whare Wānanga a Waitaha

Jane Dillon

Te Whare Wānanga o Te Tau Ihu o Te Waka a
Māui

Gail Gillon

Te Kāreti Akoranga o Te Whare Wānanga a
Waitaha

Russell Nimmo

Karoro Learning

George Nimmo

Careerforce ITO

Wendy Smith

Aoraki Polytechnic

Rachel Spronken-Smith

Te Whare Wānanga o Ōtākou

Andrew Riches

New Zealand Union of Students' Associations
(NZUSA)

